

四庫全書

集部

欽定四庫全書

集部

景迂生集卷七

詳校官庶吉士臣初喬齡

侍讀臣孫球覆勘

總校官編修臣王燕緒

校對官中書臣王慶長

謄錄監生臣楊渤

欽定四庫全書

景迂生集卷七

律詩

三川

三川窈窕山隈隩宜著狂歌老杜家
辛苦寄書消息斷想渠涕淚問京華

踈墮

宋晁以道撰

踈墮何堪行役勞窮陰急景晚風高
京華前歲此時雪獨卧先廬亦寂寥

疲行

歲暮疲行役荒郊絕見聞
林寒無鳥宿山燥不歸雲
得失為生計浮沉預世紛
好懷思軟語終待潁陽君

再至直羅

百疊荒山人迹絕飢腸寒色自徘徊
多情只有謝康樂

美酒樂歌寧再來

康樂詩云綢繆舍瑟殷勤登臺美酒樂歌寧肯再來

拾康樂之意再作

異時遊子不須還
舍瑟含情醉醒間
今日煩君臺上望
急揮苦淚濕千山

約結

約結無奇恨
眼開偷閒藜杖亦悠哉
曉風不讓青山遠
暮靄難禁明月來
關外關中渾浪漫
雲南雲北舊徘徊
雲南雲北
在四明山
自憐不注懸
征賦一世征衣愧不才

司空圖
詩云今

日甘為客當
年注懸征

寄隰州李九使君

隰州太守詩來好何事新詩不寄來
歲暮異鄉思里社
山寒宿雪啓罇罍
數莖白髮何堪照
一寸丹心未肯灰
唯有早歸箕穎計
暮酌朝唱不論才

次韻和隰州李九使君見寄絕句

邂逅宮花春寂寂
相思塞草暮離離
休信李廣未封印
喜得青囊賦小詩

我屋

窈窕吾山好欄杆我屋宜胡然名未著不得謝公詩

累夜讀武經揔要慨然思陳叔易寄予嵩陽讀
水經之句因用其韻作寄叔易此公相與倡
和最多於此詩則每誦之

蝶笑蜂鬚飛有聲梅嫌柳眼衆人青今朝消息君知否
荒塞寒燈讀武經

風送黃河水底聲三川半死誤丹青何人告與君消息
枉是磨鉛勘水經

蓬萊學士有家聲易退難忘舊殺青萬卷饒君相似處
此生不讀膳夫經

歲暮思劉壯興近在京師因壯興言溫公勸劉
丈合魏宋等志有意合正史之志而離析李
延壽之紀傳顧老罷不能聊見於篇末

迢迢使我旅懷悲促促思君歲暮時江上梅花今再落
鄜州月魄屢圓虧著書有底心過苦行路無端山更危
誰解合離南北史吾曹白髮恐難期

四明歲晚水仙花盛開今在鄞州輒思之此花
清香異常婦人戴之可留之日為多

前年海角今天涯有恨無愁閒嘆嗟枉是涼州女端正
一生不識水仙花

途中遇雪二絕句

征裘不是謝莊衣何事輕靈故故飛應是多情要新句

敢酬瓊藻觸寒威

謝莊詩云疊
雪翻瓊藻

慘淡修途問若何璇璣瓊藻未須多使君此夕應難醉

紅玉看人子夜歌

途中對雪

殘歲初霽慰所思征衣坂路固無奇漫知謝女能聯句

安得顏兒與賦詩

顏延之與羣從賦詩
測年十三竣年十五

嵩嶽夢中宜寂寂雕山眼底尚遲遲明年花發應如許
坐看遊蜂憶此時

鄧聖求作端明時嘗贈予詩云妙論出六合微

言破九流其言雖過矣要是前輩中有相知

者逮今將三十年奔走鄜州諸邑察視保甲
感舊作長句

白頭關塞走匆匆曾玷山公啟事中
妙論微言思落日荒山窮谷夢悲風
八哀欲賦嗟無語三徑宜歸恨未容
却願掃除西域去預羞麟閣畫邊功

村館寒夜忽忽不樂學古樂府當句對

將此愁來同彼恨肯饒庾信讓江淹
雪翻愁緒風牽怨月戀山空人倚簾
昨夜夢垂今日淚一機素勝十端縑

無煩言語誰能聽小叔狂來阿母嚴

寄恂公

南屏不可見歲晚得恂公辯笑潮難久閒嫌雲住空誰
家紉落月獨起汲寒鐘八十歲除夜寧知塞漠風

寄杲公

杲公消息太茫然六尺堂堂只眼前斗極新春年八十
烟霄故國路三千每慚鑒薄朝多語待學情亡夜不眠
此世難期再相見試容抒思序真詮

杲公有金剛經
解予欲為之序

聞胡少汲再入省

南宮妙極天下選
雞舌喜君重得香
既自能詩似前輩
何為不作水曹郎

聞喝馬惻然感歎
且恨其辭鄙惡特甚作此詩
從賀方回求數解

一世危腸賦慙征
江城夢斷到邊城
晚風不送採蓮曲
落日唯聞喝馬聲
長似竹枝愁遠客
重於隴水惱無情
爰求樂錄十三解
賀老當今最得名

予告客不能飲酒嘗使賓主俱勞客言有二事便

可痛飲謂對花對佳人予病眼難看花從照
律師授四分律遠婦人作絕句謝客

眼病身持四分律流芳巧笑兩如何從教酩酊非吾事
免得醒來恨更多

談易寄壯興

拂拭塵埃藝靡它象中繫外得婆娑何人為我易弟子
淚落一朝翻九河

三川直羅之間作

饒鬚羌鼻似羌渾人在山頭羊在門欲把流霞來飲汝
未甘便喚作曾孫

排悶

廊時來為吏多愁喜尚論山川分漢郡人物客羌村

老杜

詩有羌村

宮廢人仙在天清貳負昏

山海經貳負之梧在此

莫言無妙

麗玉笛奏金門

贈雷僧

蓬頭冰齒獨徘徊五百年前人姓雷

東晉雷處士

為問羅川

何處好笑言京洛揔看來

東奔西走肯徘徊言語將殘聽鼻雷未料此生終作底

可知不為學詩來

皎然見韋蘇州事

留官莫去且徘徊官有白茶十二雷便覺羅川風景好

為渠明日更重來

子點四明茶云直羅有此茶否答云官人來則直羅有十二雷是四明茶

名

鄞州人語間有似河朔人處予獨知其然蓋此

本魏之上郡魏人以歸秦之三年秦遂稱王而不樂為秦民之故其音猶魏也作絕句

魏郡歸秦秦遂王音猶故魏恨難忘誰知我本魏郡士
憐汝獨思田子方

木末

木末僕危不可呼水濱詩客昔何如若非此老曾行處
淚漲三川恨有餘

承議郎王東起挽辭二首

三十年來夢王郎歌有情桂亭看躍馬蒿里望銘旌廢相

存亡託孤兒內外兼休論書數萬色色負平生

君之妻呂丞相

孫女也妻母養在君家丞相之子亡近立一孫方數歲丞相有書萬卷君悉主之

洛下書生譽秦川公子豪飄零諸老恨骭髀此生勞病

卧分丹齋魂遊問室臯當時蠻紙在絮酒共蕭騷

君愛予四

明所作粉紙未及寄今乃以為莫

題弟子問

人物昭陵一代傾墨莊夫子著書成我生既晚復何恨

解叩青霜鐘大鳴

憶四明上元

翡翠隨潮月琉璃共佛燈沉香聞遠遠珠樹間層層

憶京師上元

艷艷燈欺月英英人勝燈紅綿開四照金鳳起千層

去年

皇城北面樓殿初成羅列
珠玉燈以紅綿代絳紗

鄜州上元

酷愛鄜州月真分紫府燈

郡有望仙宮

月收烟蕩漾燈比石

稜層

次韻十二弟所寄

莫問西臨統萬成書籤月色落南榮
遠天雁去驚幽夢近體詩來慰老情
籌筆陣寒徒許國題鞭句險政傷生
敢尋五世蓬萊路異姓王孫尚避名

思忠使君乃高韓王諸孫也亦有就

間之意

題新泉

舍北洗山如有待舍南泉發本無期
羈愁盡落清音裏

不用騫公讀楚辭

東溪歸作

忽忽尋春恨已遲
山城渾未有花枝
東風馬上哦新句
却似盧巖緱嶺時

從高守乞石笋

竹萌何處在石笋
眼中青乞取分幽
徑難忘玉笋筵

書劉仲更春秋災異後

志苦言危凜雪霜
何人敢喚作劉郎
休論瑞應誇圖牒

羞死當年顧野王

山頭對花

欲脫羈愁覓媾春花先木末傲難親無才與作山居賦
遮莫山花處處新

老欲留春不用忙却愁花發送春光山頭紅綻難為媾
年少才高憶謝莊

枕上

人間百感未能休欲語無情謾九州樓上角聲山上月

共人割據一端愁

三日

只將三日為元巳
準擬流觴不誤期
慙愧魏人風味好
無窮花蝶漫相思

十二弟寄詩一編來用其山字韻作

季詩來灞岸秀色藹雕山
獨笑寒暄外相逢翰墨間
花飛能擁路月入不開闌
巧解供新句吾才愧晉慳

三月十一日大閱偶作三絕句

儒服未曾看樂戰鐵衣且自戲清時春風莫道晚無力
解上天王百尺旗

風旗且好岡頭看漢馬休論塞外期前日將軍劉越石
功名不及一篇詩

縣官未肯斬西戎誰信鄜州第一功馬似雲顏青壁上
人如猿放曉林中

梨花

春到梨花意更長好將素質殿紅芳若為寄與江南客

枉是楊梅憶庾郎

暮春

春光可攪去如驚樂事能追不得行禊事已觴王內史
披香只賦庾蘭成敢嫌塞柳渾無意尚喜山花自有名
嵩少未歸無著處此生曾亦是諸生

春晚感懷

春來誰挽去難援中有悲驩萬古痕飛絮無家凌紫極
落英不佇恨黃昏半塗未肯擊鳴缶百感何因招此魂

海內一經連海外欲搜怪物且重緒

總管劉觀察相見於高巖經句楊朝奉出所和

詩即席再賦

花開為客向金城待得無花羸馬行柳蔭高巖開祖帳
月搖洛水話離情將軍精悍千山聳賓客風流一笛橫
更愧新昌孫子在詩成白眼得清明

席上別諸公

西城別袂望東城勇發征車却怯行朋

去

肯

去

聲前金

闕恨胡盧歌裏玉闕情鶯啼有意因風斷山影無垠為
月橫人世分攜吾可那千鍾不醉在天明

途中寄城中諸公

孤飛弱羽真難可作底徘徊去住間柳影生風歸曲渚
雷聲送雨過前山庾郎有待復何待白傳求閒而得閒
回首玳筵醒醉伴曾將幽憤唱陽關

自延安回道中作

未駕羸驂返故鄉且尋掘筆傍書牕莫嘲流汗野猪嶺

絕勝傷心朱雀航

多謝芳罇與獻酬只將萬斛醉吾愁
春花來作人間夢夢到鴉啼不得留

延州紅勝洛州花打剝工夫阿那家
我亦勞心添病骨悔將黃卷負年華

從經畧安撫侍郎叔乞松醪

春來玉帳閒無事自料穿松壓酒糟
即恐金罇未相稱山房乞取伴離騷

牡丹

牡丹千葉千枝並不似荒涼在塞垣宜聖殿前知幾許

感時腸斷侍臣孫

祥符中宜聖殿燕千葉牡丹有十數枝宰臣戴馬文元公時為承旨特預

賜

靜夜

此身飄蕩久靜夜得幽情月色隨窓盡泉聲到枕輕
老夫方讀易稚子莫談兵似說歸期近嵩陽學自耕

浮甘亭上

浮甘亭上拂征衣欲起羈愁却自非鶯去青陰猶轉響
月來碧嶂有餘輝三英何處同行樂百醜無堪獨息機
好濯纓塵惜蘋藻從教塵土半天飛

謝魏宰惠芍藥

敢期芍藥邊城見本是人間第一流我有無窮羈旅恨
為誰今日到揚州

在邊

在邊有底適予懷舒慘無時亦異哉醉到月前如失去

愁從騷裏却招來素心偶向三花盡孤憤難教貳負催
好覓荒村殘夜燭待將何語與徘徊
嵩山三花見李白詩而此花近不復有在者乃於廊時中山見之

次韻和完翁謝墨二絕句

池水澄輝散曉烟定無墨色使名傳幾螺付與能詩客
免更書空重惘然

寸寸曉松計已迂更憐百步扇垂珠幾年費盡坐曹手
千卷書生又却無

聞角

邊城百感漫興嗟客底令人警歲華多謝何郎有新句
誰聞夜夜繞梅花

迎客道中

忽忽中夜轡候館若為容山轉時藏月河分不割風憑
誰能警夢揔自解書空省內吾難倚詩書更使慵

何進兄弟

倚省內
以富貴

九日

日日無堪只嘆嗟誰教九日事豪華寂寥難落方山帽
爛熳先開野菊花聞道鵲鸞趨鎬燕忍將鴻雁聽邊笳
古來感慨今朝甚苦雨淒風助我賒

是日
秋雨

贈鄜州田玘

前世能歌田順郎今身追悔太昌昌戲泥巧盡羣兒態
休憶小姑初倚床

次韻任伯途中見寄

命駕關東千里餘拂衣前去未勤渠自憐病客料秦虎

共學騷人憶郢閭賦就句奇輕惡道

潘尼有惡道賦

詩成意遠

欲間居此生辛苦君能識不向他人道看書

白頭青簡負三餘得喪窮通不問渠但恐風霜侵爾稼

敢期盜賊避吾閭秋蟬冬蝶空離恨渭水秦山政索居

何日合離南北史倩君成就一家書

古人名壻曰倩倩近乃妄以為笑倩

感事詩寄韓侍郎

去年過却京塵裏今日無煩嘆白頭且喜歸來收客夢
何妨無酒破春愁聞鳴庭樹鳥聲樂遠使疏泉山影浮

晚得花開逢歲閏可容結侶到丹丘

贈韓侍郎

僕射陂頭鷺宿秋使君行色曉雲浮
幾章乞得閒歸去平日將何事
紆留久幸沃心舒讜議暫堪俯首
貶忠謀黃金帶念多人有烏角巾
憐獨自休談笑弟兄從此樂
杯盤賓客莫言愁慙予本是山中
士可復魂勞隴上舟

偶題

丁酉

一室蕭然懶傍書角巾孤嘯問何如
夕陽能使山遠近

秋色巧隨人，舒苔漬碧花。行不到香殘，篆字睡應餘。
自憐得計歸，雲晚前日人間，漫畏途。

和季弟秋日即事

戊戌

五世衣冠盛本朝，寧論妻織與兒樵。顧予始就山居樂，
未放詩書便沈寥。

寄謝任伯察院

終日小園何所為，忘言不讀國風詩。閒來却覺呻吟好，
老去仍知疾病宜。月在鄜州能到此，人遊梁苑誤行期。

徒憐宋玉無秋思既識清高又可悲

初至京作

七年去園今還歸僅有身存心事微
下客但能存故事
高門誰許著褒衣
難將白髮語年少
忍使紅塵負釣磯
不解征驂却歸去
策雖非是亦非非

以扇求馮元禮覲畫山水

高人能畫山中趣
涼吹曉從天際來
移畫此情紈扇上
人間何處有塵埃

趣景升太尉畫孫登像

契濶王孫魂夢勞京華一日重遊遨圖書不惜黃金費
歌舞何妨籙佩高月到南樓卧吹笛花殘曲几醉揮毫
如何愛著湏臾懶不使蘇門對楚騷

留題景升北窓

南樓吹笛何人怨北窓垂楊永日閒何用綠楊高百尺
詩情筆趣摠相關

夏祭日感事

盛典千年出寶圖，佩環方澤影縈紆。中天月護黃琮色，

出海雲騰赤帝符。已慣龜鼉呈上瑞，

前賀赤鼉之祥

不驚風雨

解前驅

前一夕大風雨

侍臣自有揚雄賦，擊壤何妨此鄙夫。

謝曾迪功松皮冠

松皮冠贈松山客，慚愧紅塵赤日中。好向浮雲傍歸路，
定應賸聽入琴風。

次韻和張次應龍圖松皮冠子

儒冠何事貴松皮，一歲寒來特自奇。髮盡著霜相稱得，

歌酌白雪即非宜

代馮元禮次韻辭張次應畫山水扇

女鸞寶扇漫稱工誰識嵐漪縹杳蹤何事晚來慵落筆
為嗔不說妙高峯

代馮元禮次韻送畫山水扇與張次應

五日十日豈為工萬壑千巖自絕蹤在握已能霄漢上
更須羣玉占前峰

次韻和大理吳子偉寺丞久留滯絕句

之子婆婆幾許年
衆人遷後獨稀遷
即今便上青雲上
已愧開爐白日仙

再和

官共狐裘三十年
紛紛南北笑鶯遷
未施雲外射鵬手
且作山中騎虎仙

京居五更聞鐘

慣聽山頭五夜鐘
忽驚孤枕景陽風
明朝樂事知何限
定自無人拜德公

七月五日立秋

故廬歸客不勝愁可是人間晚立秋
收潦水清如可待無窮蛭蝻看沉浮

病卧聞韓公表雨中出謁

綠陰飛雨作秋容衰病呻吟高枕中
何事公孫健騎馬黃金帶客好相從

韓二十七詩來云已東歸鞍逐去鴻
令人欣喜

愧嘆輒次韻和

此身重滯愧征鴻
况對庭前郢樹風
暫至京師便歸去

敢期今日有黃公

黃叔度暫至京師而還

即事謝公表二絕句

碧嵩青潁肯相從
萬事茅堂醉夢中
出到人前羞欲死
歸輪不必問何從

留君談笑且從容
白髮紅塵阿那中
踉蹌行藏莫相笑
枯魚垂淚恨無從

即事謝子之二絕

何妨少日不能容詎玷山公啟事中庭下秋風收不得
欲彫瓊樹未聽從

悅已曾增巧笑容舞鸞歸歇鑑花中人間遇樂便作樂
何用行軍問所從

送韓七十赴澶淵舊任所為士掾

不樂予何甚非闕未策勲秋燈逢積雨客淚送離羣身
事千年鶴心期萬里雲煩君經廢廟嗚咽當家文

澶淵
舊廟

碑是高祖文
元公奉勅撰

選部中作

白髮來遊宦山公不我聞邪猶在中等

予二十一年時應詔上書蒙置

邪中等近恩除落而部中尚要聲載

政不占微分

近制以分數為選法多者至七八百分予乃無

一孤淚滄溟感微言上帝勲何妨貧且賤嵩嶺有高雲

明仲約七月晦集屬抱病先以此見意猶并以

申謝

秋日在長安多悲對極歡粟踈肥木落茭菰瘠池寒居
室清樽滿羈人白石殫慙君過繾綣扶病強盤桓

送邢子強還洛

行樂洛城為第一，
慙勞使節持還家。
橋頭鋪遍中秋月，
樓上吹殘九日花。
誰聽高談擒虎豹，
且容濁酒傲烟霞。
從君一笑知無分，
短髮長途倍嘆嗟。

送李先之歸南

夫子聲名大淒涼，
三十年晚交彌好。
易夙志自覃玄泰，
華冰霜潔江湖鴻雁遶。
別期不相假，
吾道信茫然。

再送先之

君家父子真國器棄逐那知上苑春嵐障城中尤自樂
浦珍市裏本來貧曾憐濁俗排闥闔慙屈清江縱羽鱗
我老相逢便相別劇談易象亦何因

先之自廣南知縣
歸歸復往江南清

江縣一見
從予談易

三送先之

相逢無酒恨如酣九市三玄俱不談秋雨迢迢催客別
別情雨色已江南

京居秋感五絕句

快雨薄寒一夕間胡為百役自間關秋懷更讀甘陵賦
始信人人庾子山

雨助風聲燕欲歸誰教我尚著征衣自憐未讀懸征賦
霜雪鬢間猶庶幾

隨蝶求官秋緒多自甘老罷樂婆娑枕邊風雨五更夢
聲在長衢朝馬過

江上高人未肯來京華秋鬢獨徘徊饒渠看取潮頭月
莫戀林香待放梅

招揚中立

河湑依棹得風期秦樹湘雲枉夢思也好歸來君富貴
未容言語我傷悲

招徐思川

即事

幾歲田園得隱淪忍將秋淚濕紅塵一麾不得廬山去
何用他州寄此身

歸到

歸到故廬同逆旅人生本自怕牢愁雨聲豈有京華態
羈思仍多澧浦秋久禁令人類疾病新聞向汝重咿嚀

顧無道義論輕重何處王公門可遊

乞酒

積雨深秋與恨翻悠悠何處勝朝昏
久同下里饒詩句乍學高人傍酒樽
徑醉便知能傲世狂吟更覺解招魂
頗憐陶令無佳興只肯丁寧乞食言

辟穀

辟穀終無術求田早自慵病能添旅思
雨善起秋容本色官猶阻非時好孰從
封侯如可覓要自愧長公

依韻和邵太子文兄八月總章朝歸長句

東皇受籙增嘉運
曉坐明堂夜拜章
玉燭千年承瑞露
金龍萬國鎮青霜
風來紫極簫聲靜
人在丹臺珮影涼
與子飄零逢盛旦
獨無藻思頌瑶光

八月十五戲作

稱意中秋月滿樓
只嫌歌扇遏雲浮
不如風雨連天起
要得伊人也解愁

聞三十六丈乞西京留臺輒成長句時先之七

兄已拜北京留臺

門第何人論甲乙碧梧丹鳳重徘徊前時五相繼三相
此日西臺望北臺器業雲霄能我有功名鍾鼎待時來
羞言四世公卿德季子白頭誰識哉

伏蒙三十六丈大夫寵視長句輒次韻和

千仞愁城託寸陰可堪疾病更頻侵烟霞舊友能相遇
鷗鷺前盟不待尋羹飯東西慚白髮功勲遠邇負丹心
西家曾祖康定中同在廟堂堅成西鄙罷兵之議
明朝重九登高處約訪高人

支道林

實約於九
日訪僧

德麟留詩相別輒次韻賀送

安穩王孫一葉舟
竭來京國淡無求
任生白髮曾料虎
分絕紅塵自狎鷗
桓笛不堪留
往恨膺門誰復憶
同遊
重陽無酒仍分袂
雨作黃花淚未休

德麟夜相過用前韻作

王孫未放木蘭舟
憶別親知與訪求
軟語斗牛迷後雁
傷心波浪沒浮鷗
燈前有喜新佳句
泉下無慚舊俊遊

頽尾可居隣可卜白蘋紅蓼共君休

九日宴李德充中大家次韓三十六丈韻作

重陽風雨每淒淒物色今年得所期賜第好賢多驥子

三山酌酒過鵝兒

德充用三山
罇極奇妙

紅樓尚想吹簫夕碧樹

今誇向日枝

李氏園池甲於京
師今屬宮苑所

我與韓公殊輩行門闌

感舊淚俱垂

九日陪韓三十六丈大夫集李德充家再蒙賦

詩相似謹次韻扳和

丈人邂逅共悲淒九日芳樽敢有期感慨既能追壯士

懽欣復自學羣兒菊憎紫蘂侵黃蘂莫憤南枝勝北枝

北州之菜
莫極衰

蕭史高樓幸登眺但慙清唱手空垂

李德充再賦九日期字韻詩輒亦復作

多才公子莫淒淒九日不嘲風雨期清酒玉腴浮盞底

黃花金蘂粲鈴兒

菊之尤者有
金鈴萬鈴

百年歌吹驂鸞地萬里

旌幢鳴鳳枝

李家一門
節鉞相望

前後楊劉是賓客聲名孰敢與

爭垂

楊文公
歐陽文忠

劉中山
劉侍讀

重蒙三十六大大夫德充中大賦九日詩期字

韻詩輒復以致謝遂及閣筆之域

平陽樓上重陽日周覽悲歡孰與期盛德不應無隱者
大豪寧復有屠兒未舒鸞鸞青天翼難識珊瑚碧海枝
莫擬吹花多繼筆羸兵易泐索仍垂

即事呈德麟

學得浮雲往復還里中不出孰追攀
九秋自與物情樂一日須教我輩閒
敢料都城有詩句故應魂夢在山間

今朝車上瓶無分更可憐哉我阻艱

次韻和德麟過希道作

笠澤人閒書已叢分甘寂寞與誰同故人相遇白頭日
往事獨悲黃葉風去國貴遊驚灞岸

希道初
外補

浮家公子

樂湘中

德麟不
厭遠官

此情繾綣思朝夕百仞寒巖飲水虹

思歸

忽有故園夢秋冬恨不勝菊難月掩映梅耐雪馮陵客
鬪南唐墨僧禪後夜燈如何不歸去京國覺騰騰

感事

人物今朝何寂寞我思前輩太崢嶸
仙才難測趙周翰
俗眼聊窺石曼卿

趙公詩多
仙家語

鸞鳳騰輝何處在珪璋振

德是人英怪來高論空無驗可是岐公作宰衡

王荆公
在嘉祐

間言人才雖乏不曾教王禹玉作宰
相至熙寧中公乃薦王代作相焉

早於城北逢御馬

天街未見瞳矐日御馬來朝馭駢宮
不許暫時超倒影

欲將何事驗真龍

十月七日夜夢中作兩長句覺而忘之別成長

句視李民師

冬來羈旅更迢迢撫枕燈殘百感饒飢鼠齕空疑有鬼
驚鳥誤曉尚中宵詩成與夢俱零落劍出低眉亦寂寥

無分京華居老境江湖高隱幸相招

嵩陽王鐵冠遇一書生感眉出劍舞

中空

慚愧

神邑凡才日抗塵早年聞道晚因循腦能充溢無華髮

心得休閒不老身種種已慙為客子悠悠更愧作官人
吾言可復終歸去何處桃源可問津

偶見夏英公與文莊公書云秋序始涼師門尚
遠又一書云念其出自師門賜一善地輒成
絕句

前輩終身知學植今人得意諱師門如新幾帖英公字
可但吾家禮數尊

天寧節後二日集英殿賜燕輒成長句

誕彌陽月播陽春萬壽杯餘燕豆申殿角垂虹天意喜

今集英殿新修增高二丈

壁緹交鳳日華新

殿工及兩廊綴壁皆新繡龍鳳極華麗

星

迴畢雨金沙淨

累日雨至天寧節後遂晴

書發狄封玉甌陳

契丹國賀生辰

使獻其國中所寶玉器三十餘件

何事昇平樓寂寞要將銀嶽共璘珣

昇平樓舊號最高今裁出集英東廊之上丈餘或者要妄意將營繕云

寄李輔之

嫁樹栽花待上元一燈明燭照山樊香爐峰下烟霞客
此夜皇州亦掩門

布裘菜飯久忘言
糲食粗衣過上元
怪底狂風迷四野
榮光自滿濯龍門

庚子至前二日韓德全李師民相繼而至聊書

一時之事

先後客無約寒窻注夕陽
縱談香栢子孤興飲松黃
不道仇池遠唯迎至日長
於焉豈易得回首即他鄉

對雪

念昔幽居久幽懷劇歲殘
茅亭因雪過沙渚與鷗寒
暫

喜涼塵息將愁秦樹單六花如結子孤客鬢邊看

次韻江子我見戲長句

江家宅在多文史兄弟論文詎我遺長逝不來荒馬鬣
後生亦老倦車帷契成自賣寧無恨詩到相嘲雅見知
山水尚憐天付與暮年漂薄尚仇池

對雪懷淮安郡王郊居

六出花開郊野興王居不數沈休文洞房窈窕玉簫遠
綺席徘徊瓊醺大藥定應湏火候佳人可復悞行雲

王有侍姬
在宮中
自憐收拾征衣客白眼寒空送雁羣

別親舊

歲暮征裘返故園
愀然去國亦難論
獨尋碧草日三徑
誰在紅蓮夜五門

近歲工元燈
山有五門

久分雲霄能割席
乍驚

縵縷有離尊
即看短髮邊城去
風雨仇池役夢魂

出京感事

晚歲長途俱寂寞
傷今懷古總飄零
韓彭豈是無三窟
管葛元非守一經
白髮任渠從此出
朱絃於世許誰聽

猶憐去國恨能釋已見燈龍出北濱

出見京華之盛而作

飄零羈客尚驚魂乍見王居白玉城三市盡迷一作南

北嚮八騶爭禁一作耀短長行花移陸海春常在樓接神

山月不傾安得白頭居此樂關河垂淚復孤征

過洛陽贈親舊

古來無奈洛陽塵興屬今朝誰與親河岳新秋初過雁

園林曉月遠行人波聲有喜咸通汴雲影相隨直到秦

欽定四庫全書

景道生集
卷七

三

白筍紫薑勤故舊公孫出仕獨堪嗔

過陝州贈蘇儀掾仲滋

老去情懷誰與謀壞壁無蛩更益愁收覽雨聲來枕上

飛揚馬鬣在岡頭樂城孫子何來此華國文章肯漫休

邂逅關山論家世更期信息在西州

又

河擁秋聲客恨新誰能出語共輪囷信知五采生丹穴

不許文章屬外人

題長安趙氏園

長安池館鬱崢嶸此地偏多客子情秋晚寒藤侵石瘦

夜深熟果落池驚後生解識南山趣先德元高戎夏聲

感時暫來添白髮南山曾見漢公卿

鹿鳴席上送諸先輩詩

周室賓興綺席陳漢家勸駕禮還申鸚鵡遷同谷烟霞喜

鯉化瓊林雨露新日御駸駸須六轡席上六人奎文燦燦自

三秦先應沉醉換春色病守狂吟已覺春

欽定四庫全書

景道生集
卷七

三

即事戲作五言

何處寂寥好山城太守家輕背平木竹筍大裹白朱砂

君與早蓮比實非火候賒一官還此是百務莫淫哇

何處寂寥好山城太守官龍鍾五品服豹變一還丹舊恐

三杯竭新添兩角寒只應歸去是無責有餘驢

謹次知府經畧待制韻

制勝奇兵不下堂鉛刀何敢齒干將肯誇舞暖嬌回雪

只念琴寒乞履霜此日秦郊黃髮老當年漢殿綠衣郎

徘徊四十年來事險阻艱難間脩嘗

郡齋戲句

烏髭四皓應無術沉醉三閭豈有方將此衰殘齋戒裏
郡人應笑使君狂

一夫肆力能排闥萬旅無謀漫仰關成敗是非今有底
忍將鞭扑作威顏

雪中獵戶來呈虎月下田夫走獻麋諱道山成應不得
關東誰肯有書題

斗升白米能供酒瞑目紅裙難聽歌為謝黃州王內翰

莫言官職也蹉跎

王元之詩官職蹉跎猶上疏

蕭條吏散如堪適蕭灑詩成亦可娛王謝異時同惠我只慚筆力不能俱

雜號將軍人所薄東宮贊善自曾嘲如何今日余為守黃獨白禾誇大庖

朝困十催何敢飽暮虞百罰更生寒雞山小石鳳山柳移植庭前少自寬

笑

笑樂真情豈可無樂而不笑是何拘日中無事逢棋局
春後有花兼酒壺輕俠兒前撫手掌滑稽傳後撫髭鬚
江南陸后還安否乞與筇杖使自扶

次韻郭帥和楊使者張茶馬溪莊詩

溪莊吟興浩如神不似逢時富貴身雲外黃羊眠竹影
月中赤鯉戲河濱揚雄奇字情宜密張令清談分自親
顧我婆婆徒悵望柴車霜雪未堪巾

才氣雄豪夙會神暫勞旌旆遠勞身使華燦爛高秦嶺
筆陣縱橫落渭濱音出瓊瑤疲諷誦韜輕虎豹貴和親
何妨戲作蜂衙句要看時宜折上巾

奉楊公近蒙答四六狀極為精麗

博物張公適聖神經營佐國不謀身一槍採擷朝林下
八駿遨遊暮海濱詩就秦州寧獨樂政成周道要相親
敗軍汙鱗誰哀念敢謂勤渠問解巾

景迂生集卷七

欽定四庫全書

集部

景迂生集卷八

詳校官庶吉士臣初喬齡

侍讀臣孫球覆勘

總校官編修臣王燕緒

校對官中書臣王慶長

謄錄監生臣楊渤

欽定四庫全書

景迂生集卷八

宋 晁以道 撰

律詩

喜雨一首呈司錄諸公及諸先輩

七年亢旱古曾經一雨三時此際心
辛苦崇宗誅大厲歡欣畢宿散羣陰
無煩鐘鼓禽魚樂便覺來牟波浪深
敢恨泥功山下路且增秀色遍遥岑

和蒲君刑曹佳作

獨步當年賢士關青衫初試幾曾閒好憐歸去龍鍾者
五世題名在道山

志士何曾恥抱關忠臣本自不言閒策勲他日陣間陣
莫忘今朝山上山

刑曹再賦二絕句彌佳不得不報

不肯將身入八閹判司雖屈勝如閒漢庭富貴人何限
畢竟文章屬小山

上帝白雲居九闕列仙亭館號蕭閒念君未作縣鸞侶
愁殺江南庾子山

南充大兄嘗夢見予作詩見寄次韻和呈

仙山能夢我書帙正思君一德誰榮滯羣兒謾戚欣過
秦何必論喻蜀却湏文未落豐碑筆唯貪辨惑勤

子文
兄俾

說之撰康節碑近
蒙寄易學辨惑來

復用前韻即事奉寄

南充有狂女何以號仙君不食喧愚嗜忘言聳世欣我

常饑亦健公更默能文
鶴駕如相招應須即日勤

絕句謝小邵寄柑脯

曲肖歐文詩隱秀山頭仙
馭勢爭飛湏

一作便

知柑脯勝

麟脯更使荷衣笑錦衣

感事

功名富貴抵愁予
南北東西盡畏途
悔不讀書徒語爾
老來悔讀少年書

書何貢士居

吟興隨花發高簾對雨疎人家南郭外雲出北窓虛
箏歲何時歇詩書幾世居我來懷舊隱便擬返柴車

乞官觀報罷作

明時不可干多慮自多艱頗謝散班格徒憐本色官高

門寧倚伏下客強悲懼鄭駟應相念秦川歲律殫

顧況詩云

遷客本來無倚仗予謂不然故今云爾

官觀請不遂揀兵戍河朔

擬駕柴車反故園却料甲士倚和門桐孫竹祖俱相笑

欲肖秦音長子孫

感事

短髮猶思沐修途頗夢歸不慙為吏拙但恨讀書非隴
上健兒戍漁陽突騎圍誰能圖戰陣枉是著朝衣

訪郭圓機不遇

圓機名
執中

久雨宜新霽秋光更可憐尚嫌鴻鴈近肯使鹿麋前興
矚唯高隱名談盡昔賢那知忙事在曳杖行荒田

秋思堙鬱忽蒙圓機寵示崇賦欣然開豁為惠

大矣率草謝之

秋霜先著白髯翁始信讀書未有功幽恨不隨流水去
壯懷每共暮雲空敢嗟落葉留無術但惜巢危死孰從
賴有高才能作賦筆端除祟是英雄

謝圓機除祟賦

祟鬼當年曾暫解

柳子惠作
解祟賦

賦成今日永嘉祥無煩鑄

鼎圖羣象可笑時儼逐畢方蕩滌辭源能澎湃誅鋤筆
陣更光世此身強健餘何事枉是靈均嘆國殤

荔枝送郭玄機戲作二絕

禍根妃子嘗珍嗜今日何須有荔枝
玉樹後庭那結實也能亡國更堪悲

荔枝一騎紅塵後便有漁陽萬騎來
郭令諸孫今得味却同羯鼓逞詩才

趙妹自咸陽寄華州石縫山芋來作絕句二首

華州石縫無端芋同谷齋中有恨翁
卯酒調來家法在

暫時不哭此途窮

文元公有語云卯
飲酒調山薯蕷

秦中驩喜迎吾祖知道官家不用兵今日曾孫何所負

華山芋蕢自多情

文莊公康定中使闕中會諸將識邊事爾後遂納吳賊降表

昨日小詩同致上讀張元善中散文詩愛其讀

書輕富貴之句作絕句一首

本次五卷謝酒之什

風流自古稱張緒詩句孰如孟景陽今日讀書輕富貴

當家好處得蕪將

張文昭德鄰曲也說之拜于兒童時計經畧待制必亦識之

依韻謝圓機送梅絕句

丹萼瑤英閭苑開人間何處有瓊臺妬嫌弄玉秦王女

諱說南山說楚梅

梅最先見於南山之詩

揚州梅發莫依依曾得何郎一首詩漫有渡江來小庾

始從今日得佳辭

庾開府不見有南山梅詩

再和圓機梅絕句

一年春色已平開始見芳香傍硯臺慙愧梁園飛雪裏

幾番玉笋醉新梅

思王二匹恨無依枉費西園清夜詩不得梅花發幽興

甘輸北

闕

有英辭

客酒十二行得此四詩老鈍乃爾

申前意和圓機絕句梅花

庾信終南眼忽開橫岑萬仞接天臺縱橫筆陣知強弱
留與遊仙客詠梅

梅如玉磬百花依傷似文章先說詩詩到玉妃謫墮後

只君能抗我公辭

平昔謂東坡風亭下梅花
三篇之後更不須有作矣

枕上和圓機絕句梅花十有四首

據渭浮涇雪浪開一君五后醉高臺侍臣不解供吟筆
落盡南山萬樹梅

梨園弟子強因依羯鼓聲中學御詩十月北兵來喚仗
新梅誰復贈新詞

豈是梅花最早開六雲先已發陽臺涇南渭北花如錦
太白山頭只有梅

孤芳寒豔絕難依鄴下關中不賦詩未必江南有才子
也應先是七三辭

莫道梅花取次開馨香須待百層臺

今洛中名園猶競
于梅臺貴自上接

其不同碧玉小家女寶策皇妃元姓梅

香

負雪披霜不得依
梅寒恨不出幽詩
身梁根治荒江介
情調猶輸第一辭

霜女月娥愁不開
萼君西母宴瑤臺
揔將芳意傳英彩
下降人間得有梅

織女機寒自失依
雲霞扎扎似吟詩
女兒謝席雪無句
父子庾家梅有辭

令兒孫輩
同和公詩

天馬錦帆誰得開
月兒羅薄掛香臺
屈平宋玉渾無語
後輩何人敢詠梅

東皇太一下無依
桂酒椒漿細莫詩
却問人間梅幾種
郭仙傳有古人辭

漢騎蜀兵下辯開
今朝惟有鳳凰臺
瑤凰瓊鳳方為瑞
此地宜多白玉梅

東郭先生誰與依
雪中意氣后夔詩
香添皎潔成梅咏
好視江邊黃絹辭

未湏白眼便嫌開
早晚高低雪作臺
春盡子山梅感嘆
義山未臘已驚梅

雲母屏風只暫依金鄉公主嫁遲詩寧論鮑照梅花恨

却喜今朝不惜辭

今日天慶節兩處朝拜又孝惠忌行香疲且手寒草草增愧也然不

犯從前梅事如前村之類亦可一笑也

圓機再以梅絕句為謝復作二絕

根冷花難也自開何須獻納在雲臺幾多得意人潛恨

江令傷心幽澗梅

江總詠幽澗梅云石上盤根冷雪裡作花難自開還自落何處有人看

此日梅花剩足依明年歸只詠公詩不堪霸水紛紛別

韓公詩云梅
花霸水別

待寄越膏重覓辭

吟到越梅膏則可
獲麟矣一笑一笑

亡友陳無已有立春詩云朱門誰送青絲菜下
里難酹白雪歌頗為都下詩人所稱今日立
春誦之而作

地下修文幾歲郎尚憐有子已爭行青絲盤到特揮淚
紅錦詩餘合斷腸安得見予今議論果誰識子古文章
從茲花發知多少試訪彭門舊講堂

招圓機喫槐葉冷淘

庭前枯樹庾郎老馬首垂花太祝愁槐葉冷淘來急喫

君家醪甕却須休

招圓機喫槐葉冷淘有狐泉之句輒復為謝

野狐泉畔昔人集朱亥墓南今日豪慙愧曾槐誰細摘

整拋湯餅屬吾曹

今京師人走朱仙鎮吃冷淘全似唐事也

和圓機題草蟲

怒劍無煩起逐蠅從教小物此馮陵禮加蛙臂何時用
書到蠶頭幾日能半是苔邊徒有感全收芋處肯生憎
如椽大筆么麼落憤懣今人終拂膺

再和

須臾變物止樊蠅宛轉迷入下馬陵何處周公勤小物
幾時孔子又多能董茶自採還堪喜菅蒯誰從便可憎
一到高堂榮采目絕勝長道困鈎膺

謝圓機靈山芍藥

靈山芍藥誰銷得我是靈山授記人貪蝶憚蜂莫來到
更須作供老夫身

圓機遊秦州有詩相寄輒次韻作

風雨關心一夢難
欲於何地見征鸞
街亭應念貶三等
壠坻須憐持兩端
休聽鼓輦叅將幕
已驚鈐槩誤儒冠
瑤音有底能相寄
不作龍鍾俗吏看

因借書作呈圓機

似隱還如吏
山亭何所宜
還心回鴈陣
倦意結蕉旗
使檄征錢急
鄉書問卜遲
近郊有高士
慎莫道三癡

借常

約玄機來喫社餠以雨不果

積雨晦滄溟歸期燕不靈何能陪社餼應為厭侯鯖

寄富季申

故人風雪知何處旅夢時時得舊游
溫麥周禾不我飽秦雲隴水使君愁
劉琨數刻驩安在何遜一筵笑則休
賦就思玄塵易絕詩成述祖淚難收
曾窺西漢和戎策尚憶南梁禮佛裘
大軸丹青猶凜冽小官孫子太卑陬
故園多謝凌霄木直到丹霄上上頭

圓機寵示覽先人元祐末廷試初考倡和詩編

長句不勝感佩降嘆如紳字韻直似劉夢得
何幸得之輒復作增來詩之美

紛紛既晚宜無恨尚憶當年獻策人小子何能初躍馬
大臣不肯舊垂紳叔孫處處偏知毀景監人人揔作因
格律攄情如夢得難禁孤淚濕新春

說之復蕙二公而作圓機既同邪籍之契顯夫
又與僕元豐五年登科事相類時曾子固坐
失考罰銅三十斤後為先人語之甚詳

波臣好蕩箕風急浮世誰為自必人顧我高飛摧短翮
念君濶步躋長紳一枝青桂憎兄好族弟將之與
圓機同年三府
丹書重友因近接語言還夢寐共將白髮傲芳春

說之既和圓機紳字長句復作寄孫顯夫是初
考之最高等也

魚龍起伏初無度下品曾為第一人鴻藻自甘戎幕掾

青雲誰委玉階紳命微夫子徒哀劇嚴夫子天遠靈均枉

問因觸事思君成苦調還憐爛醉剗陽春

圓機再賦紳字韻詩深得淒切之格降嘆之餘
叙事為謝

輶車邂逅便相親同是山公啟事人短髮何堪臨石鏡
長懷漫自落泉紳談窮漢士三千牘問盡胡僧十二因
茅屋亂山誰復識當年曾醉上林春

七月一日作

去秋今復號新秋要使新愁入舊愁四海元龍霖雨望
一生仲舉國家謀囚冠不脫凋蓬鬢旅殯何堪敗菊舟

誰與此懷同涕泗南山朝靄暮烟浮

昨日聞陳瑩中卒

因楊刑曹往荆南代書寄二唐高士

恕意

二唐今日操真視二龔多不道荊州遠其如梁苑何魂
收蒼壁夢淚斷綠珠歌顧我非夫甚嵩山空薜蘿

和圓機佳作

官憎詩過好人亦忌才多君子自如此伊人其柰何單
裘千日醉短髮百年歌漫納新愁淚終慙帶女蘿

圓機用墨淡甚輒以上色三九為好

淡墨書名二十年從軍未許勒燕然只疑淡墨為君累
故遣陳玄去草玄

至日早雪時郊祀畢

壬寅

客中至日百懷忘欣喜還瞻上帝鄉雪覆紫壇天意得
風生絳節頌聲長舊遊鷓鴣鷺渾如夢寂對山河忽若狂
罪籍半除猶望赦漁陽遺種被恩光

冬來無雪待佳辰至日飛霽喜更新風偃南郊雲獻瑞
龍騰北陸日潛春壁門仗下千官佩瑤席歌前萬國珍

負疊曾臣符竹冷
屬車目斷不飛塵

東城外作呈圓機

默默專城歲月馳
忽來郊外得心期
龍蛇起伏知何處
天地圓方在此時
更喜風光似江介
可憐飽餉便忘疲
即從此路東歸去
他日何能得夢思

謝圓機梅子

雲隨枉渚月依嵐
末宦低頭幾不堪
顧我傖翁宜塞北
因君梅子憶江南
君乎學問二劉比
南北該通酸自甘

讀沈下賢集絕句二呈圓機

晚來李杜擅文章，無柰情何憶沈郎。
未掩西施朝薤淚，

可堪美玉暮魂香。

下賢託興于此二者意為
好人不得存活于世上也

荷葉拳拳恨未舒，伊人歸興問何如。
空看蠅鼻燈花喜，不得平安一紙書。

間八弟朝議二十一弟朝奉二十弟迪功與安

卽倉部謝郎比部諸人集于葆真宮戲作絕

句

葆真宮是何年有
游子相將便得真
聞道流霞醒不醉
只應人世恨還新

歲暮絕句四首

衛霍功名無素譽
韓彭富貴晚堪悲
梅花引角邊情劇
況復人間歲暮時

下惠一時行已志
首陽萬古振人倫
終南不得西山號
歲暮白頭空斷魂

沉沉欲雪岫雲平
月尾年頭此有情
童稚歡欣學秦語

不知家世本東京

遲遲來日去何疾六十五見此日除明發東修能有幾
太平田舍讀殘書

聞鄒德久

志克待
郎之子

自常來州圩埠得良田數十

頃遂可活輒作絕句

乃公不識賈公問之子饑寒夜讀書前年避賊逐江鷺
今歲埠田鞭海魚

謝圓機送梅

何事新梅度玉溪應憐泯默與詩題少年曾賦宋開府
老大無如羯鼓迷

圓機寵以長句賀禱雪龍池輒次韻述謝

神州鍾鼓浹年豐燈焰紅綿照景龍況有玉除榮廣內
不勞金甲老邊封同雲出洞如人意孤宦臨歧斂病容
何事儒先詩思苦欲拋萬卷作三農

再和圓機喜雪之作

十遇荒饑一遇豐人間不見壁間龍既慳雨澤空倉厄

仍廣車輿小子封俗吏教條徒自愧滌池雲物幸相容

怪來不與秦湫詛應許多藏漢大農

秦名池曰湫皆投以詛楚文今此池

獨不與也

又再和

在郭公前

人人講德自元豐何處荀家有八龍白羽不施寧洗甲

赤雲常見預乾封無煩禾黍如茨稼自足鵷鷺琢玉容

稽首寶香通列畢傾心御糴走良農

香用御前之寶遂得名曰寶香闕中

糴額特多以御

筆糴曰御糴

對雪再用豐字呈圓機

何人醉酒在新豐暮雪瓊飛駭玉龍雲借威稜如直指
風排傾倚似斜封堂堂不及侏儒飽烈烈徒多憔悴容
久負梁園能賦客且遵漢詔善勤農

再用豐字韻對雪呈圓機

樂只康州得婁豐鼓簫欣喜有池龍魚由米穴多爭出
泥在函關廣費封鎮玉無時非北渚磨主在處是南容
胡然最愛田疇事即日歸休學老農

朱郎元章以予不得宮觀與諸侄有唱和詩攬

之欣喜五更枕上賦

四首

天上何曾有謫仙一來下土便頑然偶遭愁鬼棲遲厄
永結羈人寂寞緣不得閒身從靜志徒思樂食與安眠
兒曹詩句來存問盡荷朱家為發編

璩音在昔是文仙近世仙才殊不然每見傳言多俗態
定知所事亦塵緣況為末吏惟貪佞何處高人得醉眠
此際朱郎真有道樂吾羣從有殘編

狂醉何為號八仙三郎官裏亦頽然呼山絳節方無數
犯闕紅旗自有緣便醉攜家船上去已輸傍舍甕頭眠
箕南潁北逍遙客好笑仇池戀簡編

莫笑吹笙便得仙絕勝祭竈事茫然白頭吏役徒多犯
黃帽閒居政寡緣仰愧高僧能五鬣俯慙垂柳解三眠
詩成自贈仍堪寄聞道衰蒲尚可編

過萬丈潭觀山呈圓機

棄捐蹤跡盡悠悠山水之恩亦太優成熟此生無再辱

發揚何事敢他求
乘閒今日聯高足
就隱明年獨遠遊
潭面可量才萬丈
揔於春恨作浮漚

社日偶集恨去歲社與圓機有約阻雨

歸閨於春得社遲
酒應過熟老農嬉
故巢候燕賓朋集
驟雨前年唱和詩
要使歌喉扶嫵媚
肯教鼠目鬪狐疑
雲南薊北休驚怕
今日寬仁不戮師

才上人處見圓機五字輒用其韻作

振錫千峰下
觀空萬象前
水深猿臂直
雪厚虎蹄圓
工

部淚徒感贊公燈不眠當年郭有道今日更談禪

山行微雨對花覺秦少游山路雨添花之語為

佳因有感於斯人

今日山行花畔語故人佳句雨添花瘴來首禿成纍鬼
夢裏懷鉉稱史家輕薄揚州真可笑賢良漢殿更堪嗟
寧知用短難鳴者只得身存下澤車

書事酌新興元使君邵大兄邵與圓機有舊因
以奉呈

東來車騎豈君歸我欲懸車歸則時仙女丹砂能不老

大兄自南充來故及謝自然

腐儒青簡亦難衰

老弟自謂

寧乖洛水田園

計且及燕山餽餉期

大兄書中所及

最課直當中祕閣白頭相

望更遲遲

不但于河池縣相望云耳

又依韻一首

看去朱轡今已歸問余山郡幾多時盤條綾樣知能盛

果綾

帶葉甘香定不衰

甘果

惜別荔枝紅髮鬢恨看山嶺碧

參差自憐藉手有何物學把鋤頭不用嗤

圓機和邵大及予二詩可謂壓倒五更枕上誦
嘆不已復作謝之足見來章之美能發人情

思也

玄歲巢乾燕子歸生涯辛苦問何時門前似覺酒徒散

坐上何嘗筆力衰郡印故人能若若邵大白果移梁田廬晚友

亦差差

予請休致

莫嫌相望函關外且是不為陶令嗤

陶詩云永

為心

友嗤

借問高吟何所歸元和格律定同時折除官職知多少

兼領才名孰盛衰奏疏不為黃閣計結廬且共白雲期
君家博士歸依佛可笑夫君得計遲

郭恕先詩云為逢
未却歸依佛不就

新恩叙理官建隆初詔五代
時命官授狀叙理復命之

約圓機不至將出遊雞頭山作二絕句

君何忘我不交關為我勝君便不閒
豹霧人須歸豹谷
雞棲車且遊雞山

君知我亦有柴關我豈輸君獨自閒
把筆何人鳳尾諾
杖藜望我雞頭山

復作山字絕句呈圓機

羊頭山笑雞頭山我粲文章爾漫頑遊子白頭顏不少
任人譏侮亢高顏

聞圓機遊山歸作

把酒相忘笑語違新詩應已勒巖扉何人龍尾道前出

獨自雞頭山裏歸

李衛公出龍尾道時精神如何也

聞圓機遊山政為梵供復用前韻作

蹙縮饑腸與世違破礮折屐到雲扉丹砂不逐飛仙去

白疊甘從佞佛歸

請休致後閒書

折軸迷邦漫問津行藏不斷只因循那知老作邊城守
好去閒為負郭人細向舊圖逢景色偶因掘筆得精神
舉軍追恨成何事可笑將軍走解巾

試邁侄所寄冷金牋

不煩鐘鼓強吹簫自有詩書共鬱陶暖玉何年來比德
冷金即日得抽毫

夜聽雨

歧汴無煩和協使秦雲送我入梁園殘燈半夜夢回雨
心事誰來慟哭論

致仕歸東里

板令懸車欠四年散關如砥去欣然鄭州門首人爭入

誰伴山翁老洧淵

京師鄭門本號鄭州門

致仕後寄白蓮然公

僧衣換却朝衣盡知悔知非恐不任磬韻應憐持課罷

香銷當識坐禪深芭蕉庭下三身正蟋蟀床頭百慮侵
憶我白蓮菴裏士幾年消息亦沉沉

然公發人自天台來不以烏藥見寄

石橋不得往烏藥不寄來空令圖畫裏指點說天台

致仕後間夜雨

厚矣皇恩得謝休蕭然白髮更何求雨聲中夜生高興
不似官人身外愁

即事二首

晚霽沈山月隱林終朝好學仲長瘖忍將老易供書畫
更與何人得斷金

藥苗晚種已青青應念疋羸與養形肯為嵇生徒著論
便同玄晏剩翻經

哀韓君表無文編

少師名德振鵷鸞孫子何為短羽翰不使功名藏竹簡
宜留文字後人看六丁取去嗟韓第七子亡來恨建安
賴有上公曾塔葬多情無用涕洟瀾

山中酒熟

山醞今朝熟黃花老不香
沉陰千萬里何處有重陽

雨中

雨中新種竹波上舊來鷗
客子何時樂幽人未肯愁

悲秋

白楊夾道起秋聲要使征人恨不平
自笑一生成底事元常筆秃却談兵

寄溫倅江十四

離別蹉跎歲月深故人帶未九環金狂兒易悅笙歌費
志士徒勞涕淚侵青紫早年唯樂夢令公老去亦傷心
永嘉康樂風流在別乘猶能翦綠林

憶天台東掖然老

然公嗟契閭海岳阻招攜白法歸龍樹清談落虎溪著
書非草具傳業漫私題歲暮茆楹客臨文處處迷

風琴

不植風琴二十年僧來為我置齋前欲教羈思殘春夢

吟落浮雲共灑然

次朱少章韻

喜就三冬學仍開橘林
璠星霜吳地客風雨鄭人鷄
逸興逢蓬雷高懷絕石梯
五言何富麗種玉不論畦

二十二弟獲金印

誤入

季也獲金印籀文秦不如
情知非鬼篆恨不識天書
池靜龜游罷庭閒鵲鬬餘
春風還舊物踈俊獨憐渠

和朱少章見寄

蕪該夫子耻專門却笑何人哮吼村悶已賦疑唯獨語

韓公閔已賦有本作

惱卿詩似得同論

晏元憲謂惱卿詩似義山或云

吳融近與少章論頗合

夜來雨足寬貧病秋到涼生破睡昏幾欲

拋書閒過日只慙無可謝媽蓀

洛陽女子劉董蘭字媽蓀勸房豹云君甚方壯

且又足給幸疴恙無有乃終日碌碌自隨
房于是折節讀書與沈亞之南卓輩游

贈弟送山醞

山醞今朝熟溪氛正起炎醉予難酩酊泣汝淚闌干

宋太夫人挽詞

漢室賢良逝菜妻節操長生涯兩州角心事一縑絳膝
下黃金帶齋中紫玉章人間足悲樂壠柏起清商
白髮餘欣喜清時忽嘆嗟棧危思杜宇淮漲夢僧伽鷺
鷺能儀國驛驢善保家傳聞專却粒歸去五雲車

悼亂

解組邊亭畿甸來且將白髮共徘徊去年亭下花何在
日夜風塵不得開

題縣南莊壁

城下之師莫問天只將性命託忠賢
効官三黜未為恨閉戶七奔方可憐
虎變不宜懷猶預龍韜豈憚費
速邇前村父老來相問本望今年是好年

上元前再題南莊壁

蒼皇徒步子孫隨倒邑空城失所之
十日不通京國信一燈誰憶上元時
大河難阻金人過遠道休論鐵馬期
弭難九州宜祭鼎慶雲翔鶴誤聲詩

古今之禍此云奇倏忽兵戈城下師
毀闕過於侯景速

乞盟更比華元危萬方瑞物問何在五世誓書知謾為
禍難羣凶誰首尾京如狼虎黼狐狸

我昔題南莊壁

我昔柴門宜樂只田園遠近亦康哉花搖笠頂唱歌去
草塞瓶頭沽酒來白叟披衣論甲子青禽哺乳占莓苔
豈期一日風塵起南北東山俱可哀

花石題南莊壁

花石倡優樂未央四維忽絕失皇綱敵人便欲吞鄰國

鶴駕知誰從上皇雲外安妃情已斷塵中仙伯恨空長
豈無撥亂濟時策久棄蒿萊不得將

我生

我生初世本堯年大厲羣哇不謂然方喜神光射天下
忽驚烽火到甘泉寺人袞服參巖廟宮女素衣遊市廛
一道德來千道會試開言路問羣賢

春晚

春晚何為尚絮袍強尋樂事慍無寥鍛聲不讓雨聲急

花影爭隨幡影高，莫問猴糧難卒歲。且無甲馬在今朝，
書成泥首懶捫櫬。皮是蒼生不我遭。

聞景龍不試燈

華燈不試管絃新，八字歌聲滿市塵。今日景龍門寂寞，
唯將明德照新春。

送蒲君赴陝西漕屬

殺函為客樂巴蜀，故鄉榮風雪。擔書夢旂旂，從使行黠
兵烽燧。息積粟犬羊平，同谷曾談話。知君筆陣橫。

外甥三郎刪定和予冠字韻詩極可喜再用其

韻作二首常蘓州有外甥趙伋獻詩合雅音

趙甥詩與雅音合常舅宜高進德冠我到古人良已遠

汝承宗姓莫教難傳家自喜春秋在懿簡公春秋二書特高居職

應憐翰墨殘門戶人身難相稱衣裳儀觀不須嘆古有語云

好門戶惡人身又別有語云衣裳好儀觀惡

趙妹生兒身七尺倚天劍稱切雲冠長人自惜聲名達

志士寧令扞格難墨翟商瞿心摠厚司空城旦術何殘

還將格律成吟詠作者應須為爾歎

寄城中親舊

時在惠濟宮

蒼皇逐客投蘭若傍晚余寒喜且驚
隱隱似聞開靜版沈沈欲歇讀經聲
好將遲暮此間過強欲論思何處行
城裏有誰能念我勞渠努力致升平

淮口作

王畿敵騎滿何地可逃生盡室半徒步
有舟無水行長淮能見阻久雨自難晴
雜立官稱在低頭媿國榮

洪澤守閘和二十二弟韻

小舟洪澤歎嗟餘欲說人間孰得如蝙蝠倒懸徒頽頽
獼猴徐步漫趑趄歲窮雲際行求鴈日暮溪頭坐羨魚
何處長風萬里浪龍盤鼇抃蜃樓居

和二十二弟龜山寺

江邊龜步亦平平淮上龜山聳五兵何但八公山草木
解令王國列金城

龜山之操恨時危語樂徒勞魯太師今日龜山無可恨

祥符年上御題詩

海岸石龜恨未平時時入海自馮陵此山盤礴清淮上
寶塔分功更就曾

過鴈和二十二弟韻

我避邊塵淮海遠悠然問鴈爾何來中原消息須聞取
南岳峯頭莫漫回

莊周口舌過平生擇鴈何為貴不鳴默默高飛寧有樂
人間生死本來輕

窮途

窮途無達士今日信途窮處處兵如市行行馬似龍魂
迷公主館夢斷翠微宮欲向江東去風波更幾重

消息

兩月中原消息斷不應京國亦無聞廟堂如未棄黎庶
日日詔書清垢氛

初到高郵

避難蒼黃處處過扁舟不復怯風波禹功淮海施偏少

漢業東南得最多幾日兵強令敵退今年米賤奈予何

孫公鄉里仍堪住愁訪山齋空薜蘿

孫公莘老
高郵人

揚州三絕句

客散平山堂上後孰如子駿在揚州解傳鮑照舊辭賦

輸盡蕪城千古愁

鮮于子駿守此
州刊鮑參軍集

風常歡喜月常愁愁有盈虧喜自由客到揚州已迷路

不須特地上迷樓

便風五兩更悠悠回望鄉間烟霧浮若問無情唯賴水

不來隨我到揚州

病中謝張簿陽字韻詩

藥有一君元長厚病教五鬼逞狂陽公詩可但能除瘧
萬病都如律令忙

新合柏子香因誦皮日休坐久重焚柏子香輒
以其香贈張簿

柏子香清誰喜聞五言句法更清芬病仍春困在難久
遣向吟牕起暮雲

依韻和張姑夫主簿

即今時節揔堪悲，寒食仍多雨意垂。
幾處隴頭飄斷紙，誰家碑額仆盤螭。
江湖魚糝聊為客，兒女來團難療饑。
即見邊塵都掃盡，張公詩思更溫其。

次韻張姑丈感舊

用舊為邦不務新，舜琴何事有埃塵。
焚香秘殿期王母，躍馬荒郊訪異人。
爾保丘園為爾土，吾憐盜賊本吾民。
四愁不及一枝賦，誰許張衡社稷臣。

聞道江頭柳色新可憐不識洛陽塵景龍門外千鍾酒
祿錄官前萬國人此日淒涼徒費淚即時興復愧遺民
浮家逃死知何處羣寇頻招未肯臣

奉紙百番於姑夫主簿并以謝四詩之寵

怯見詩千首慙持紙百番紙多詩剩到費殺啞兒言

和出郭

萬斛無多寧貯愁不如留著寸心憂怕聞天假漁陽騎
莫話春迷煬帝樓出去暫能欣綠野歸來還是夢滄洲

何人解賞鷦鷯賦豈但工夫在句頭

蒙用諸人韻賦詩見貽復用韻謝之

昔人何事愛吾廬燕雀鸞凰不並居鄉社鳴琴欣日永
宦遊退鷗恨風初迷樓賦罷夢何處雙扇詩成淚不踈
莫問今朝多白髮年時曾奏萬言書

一年幾相作新沙顰鼓難開上苑花顧我何堪鳴玉佩
如君不得侍金華隱身思傍懸壺樹仙馭須求蒙頂茶
辜負麒麟功業志只教人喚作詩家

寓高郵禪居寺

冰霜歲暮時澤國更何為
減米經寒澁蘆門避亂宜小
人誇敵騎志士憶京師
欲語殘僧笑君歸未可期

送二十二弟入浙

世亂還家未有期
汝於何處望京師
韋郎舊恨今新恨
細學南音寄我詩

災怪

幾歲廟堂生物怪
一朝敵騎應天裁
頗聞北斗光芒見

久不見斗
近已出矣

未見東京消息來志士此時憂國淚將軍他

日望鄉臺

金人執吾大將及降偏裨

世間如有嚴夫子時命應須更

可哀

春書

春色今朝見羈人有好懷
暄風催酒熟細雨送花門
魂夢迷梁苑文章愧楚才
重湖烟艇去月下採珠迴

送鍾離秀才往越州

字中遠

客游會稽去惜哉無鏡湖
雲迷神禹廟鴉護季真居
五

字君詩費千秋我恨除寄來休草草涕淚憶皇都

依韻和鍾離秀才留別之作

不脫征裘已到春縱風橫雨又經旬期君獨步入京國
與我相逢在水濱憤世何言詩濺淚愁心自醉酒生塵
胡然乘興稽山去為問流觴曲水人

一舍

一舍終朝得自容強如平昔慰途窮爐心搜火分香燼
硯首融冰護筆鋒愁極偶逢醪醖酒夢回猶待景陽鍾

廟堂未肯圖興復四海九州思會同

寄中遠越州旅舍兼簡宋倅

自言無悶於茲久何事今朝嘆息頻同病願逢閒話客
異鄉難得借書人獨尋剡縣溪山去厭見揚州花木新
茶寄卧龍何日到貳車東宋世相親

白鴈陂

白鴈陂前淮海思今朝淮海鴈相隨固知憐我飄零甚
忘却青嵩碧潁時

孤鴈

風驅雲卷一身微
幕侶高高急急飛
未許高人能遠遁
梁王池館故同歸

即事

拋盡圖書避俗塵
楞伽讀罷與誰親
波濤遠嶼羈遊夢
風雨幽齋默坐身
艤底不堪留酒客
句頭何敢惱詩人
和詩送酒俱休問
只恐一作共惜歸期誤此春

景迂生集卷八